



Stjórn SSH 511. fundur

Mánudaginn 2. nóvember 2020, kl. 12:00, kom stjórn SSH saman til fundar með fjarfundarbúnaði.

Fundinn sátu: Ármann Kr. Ólafsson, Ásgerður Halldórsdóttir, Dagur B. Eggertsson, Gunnar Einarsson, Haraldur Sverrisson stjórnarmenn í SSH og Rósa Guðbjartsdóttir formaður stjórnar. Þá Páll Björgvin Guðmundsson framkvæmdastjóri SSH og Hildigunnur Hafsteinsdóttir lögfræðingur SSH sem ritaði fundargerð.

Formaður setti fund og gengið var til dagskrár.

1. Málafni skíðasvæðanna / málsnr. 1501005

Áframhaldandi umræða frá 510. fundi um stöðu mála og næstu skref en tilboð á grundvelli útboða á framkvæmdum á skíðasvæðunum liggja nú fyrir. Gestir fundarins undir þessum lið eru Björg Fengur fulltrúi í Samstarfsnefnd Skíðasvæðanna og Ómar Einarsson sviðsstjóri ÍTR.

Páll Björgvin, framkvæmdastjóri SSH, fer yfir minnisblað verkefnahóps um uppbyggingu og rekstur á skíðasvæðunum.

Eftir frekari skoðun leggur verkefnahópurinn til, á grundvelli fyrirbyggjandi tilboða sem lágu fyrir 8. október sl., að þeim verði öllum hafnað.

Verkefnahópnum verði falið að vinna málið áfram á grundvelli fyrirbyggjandi minnisblaðs, og leggja fyrir stjórn SSH að nýju.

Verkefnahópurinn leggur til að ofangreint verði kynnt sveitarfélögunum á höfuðborgarsvæðinu og um leið boðað að ný tillaga stjórnar SSH, eftir vinnu verkefnahópsins, verði lögð fram til umræðu og afgreiðslu sveitarfélaganna í lok nóvembermánaðar. Í fjárhagsáætlun sveitarfélaganna verði gert ráð fyrir sambærilegum framlögum og áður.

Umræður.

Niðurstaða fundar:

Stjórn fellst á tillögu verkefnahóps. Samstarfsnefnd Skíðasvæðanna verði upplýst um framgang mála eftir því sem fram vindur.

2. Fjárhagsáætlun skíðasvæðanna / málsnr. 2008001

Fjárhagsáætlun skíðasvæðanna ásamt rekstraruppgjöri vegna janúar- ágúst 2020 lagðar fram.

3. Skilavegir – yfirfærsla vega til sveitarfélaga / málsnr. 1910012



Áframhaldandi umræða frá 510. fundi. Gestur fundarins undir þessum lið er Birgir Björn Sigurjónsson. Páll Björgvin framkvæmdastjóri SSH kynnir stöðu þessarar vinnu. Umræður.

Niðurstaða fundar:

Ljóst er að viðræður um skilavegi til sveitarfélaganna á höfuðborgarsvæðinu ná ekki til enda af hálfu sveitarfélaganna fyrr en gengið hefur verið frá rekstrarþáttöku ríkisins eftir að þeir verða á forræði sveitarfélaganna. Framkvæmdastjóra SSH falið að rita bréf til ráðherra varðandi mikilvægi þess að fjármagn vegna rekstrarkostnaðar fylgi með skilavegum til sveitarfélaganna, en starfshópur Vegagerðarinnar og sveitarfélaganna um málið tekur ekki á því atriði.

4. Fjárhagsáætlun svæðisskipulags / málsnr. 1510002

Áframhaldandi umræða frá 508. fundi um drög fjárhagsáætlunar svæðisskipulags.

Ekki gafst tími til að taka þennan lið á dagskrá á fundinum og er honum frestað.

5. Samgöngusáttmálinn / málsnr. 2003010

Lagt fram til kynningar yfirlit og minnisblað frá SSH um framlög frá aðildarsveitarfélögum. Þá liggur fyrir minnisblað Vegagerðarinnar um stöðu verkefna og minnisblað um mánaðarskýrsla Borgarlínu frá KPMG. Páll Björgvin framkvæmdastjóri SSH kynnir. Umræður.

6. Stjórnsýsla byggðasamlaga / málsnr. 1912001

Kynntar eru tillögur um Stefnuráð byggðasamlaga svo og staða greiningar á verkefnum Sorpu bs. og Strætó bs. Gestir fundarins undir þessum lið eru Guðrún Ragnarsdóttir og Helga Hlín Hákonardóttir frá Strategíu.

Hildigunnur Hafsteinsdóttir lögfræðingur SSH kynnir stöðu verkefnisins hvað varðar greiningu á verkefnum byggðasamlaganna. Helga Hlín Hákonardóttir kynnir tillögur um Stefnuráð byggðasamlaganna. Umræður.

Niðurstaða fundar:

Stjórn SSH mun fljótlega funda sérstaklega um verkefnið á aukafundi stjórnar.

7. Beiðni um niðurfellingu fasteignagjalda vegna Covid-19 / málsnr. 2003006

Áframhaldandi umræða frá 508. fundi. Fyrir fundinum liggur beiðni frá SAF, Samtökum ferðaþjónustunnar, þar sem farið er fram á niðurfellingu, eða frestun, greiðslu fasteignagjalda, og minnisblað SSH um erindið. Páll Björgvin framkvæmdastjóri SSH og Hildigunnur Hafsteinsdóttir lögfræðingur SSH kynna niðurstöður þess. Umræður.

Niðurstaða fundar:

Stjórn Samtaka sveitarfélaga á höfuðborgarsvæðinu telur að lögum samkvæmt sé ekki heimilt að fella niður fasteignagjöld á atvinnuhúsnæði. Hvað varðar frestun á greiðslum er kveðið á um hana



í bráðabirgðaákvæði í lögum um tekjustofna sveitarfélaga, en þar kemur m.a. fram að hafi gjaldandi sem hefur frestað greiðslum á árinu 2020 orðið fyrir miklu tekjufalli á árinu 2020 geti hann óskað eftir auknum fresti fram til 15. dags. júní, júlí og ágúst 2021. Ekki verður séð að frekari lagaheimildir séu til staðar er heimili frestun greiðsla. Þá er forgangsréttur lögveðs einungis í gildi í tvö ár frá gjalddaga. Til að verða við kröfum þeim sem fram koma í bréfinu þyrfti því að koma til lagabreytinga. Er skrifstofu SSH falið að svara erindinu í samræmi við niðurstöðu fundarins.

8. Covid-19 / málsnr. 2003006

Fjárhagsáhrif Covid-19 á sveitarfélögin. Áframhaldandi umræða frá 508. fundi. Borgar- og bæjarfulltrúar hafa fundað í kjördæmaviku alþingis með þingmönnum höfuðborgarsvæðisins þar sem m.a. var farið yfir umsögn SSH um fjárlagafrumvarp og fjármálaáætlun Alþingis. Í umsögninni er m.a. fjallað um áhrif Covid-19 á fjármál sveitarfélaganna á höfuðborgarsvæðinu og mikilvægi almenns stuðnings ríkisins við sveitarfélögin vegna þeirra. Umræður.

9. Aðalfundur SSH / málsnr. 2009001

Aðalfundur SSH verður haldinn hinn 13. nóvember nk. og gert er ráð fyrir að um fjarfund verði að ræða. Drög að dagskrá fundarins liggja nú fyrir. Umræður um dagskrá.

Niðurstaða fundar:

Um hefðbundinn aðalfund samkvæmt samþykktum SSH verður að ræða, en vegna aðstæðna verður ekkert sértækt mál tekið fyrir eins og venja er

10. Málþing um reynsluverkefni um íbúasamráð

Fyrir liggur boð frá Sambandi íslenskra sveitarfélaga um þátttöku á málþingi sem fer fram með rafrænum hætti mánudaginn 9. nóvember kl. 9:30-12:00 undir yfirskriftinni: Reynsluverkefni um íbúasamráð 2019-2020. Hvað lærðum við og hvernig höldum við áfram?

Lagt fram til kynningar.

11. Stýrihópur stjórnarráðsins og landshlutasamtaka sveitarfélaga

Fyrir liggur fundarboð frá Byggðastofnun vegna samráðsfundar stýrihópsins sem fram fer með rafrænum hætti fimmtudaginn 19. nóvember kl. 14-16. Fundarboðinu er beint til framkvæmdastjóra landshlutasamtaka en fyrir fundinum liggur að taka afstöðu til þess hvort framkvæmdastjóri, annað starfsfólk skrifstofu SSH eða einhver stjórnarmanna sækja fundinn.

Lagt fram til kynningar. Formaður og framkvæmdastjóri munu sækja fundinn.

12. Fundargerðir stjórnar Sorpu bs.

Lagðar fram til kynningar ásamt fundargögnum:

Fundargerð 433. fundar stjórnar Sorpu bs. hinn 25. september 2020.

Fundargerð 434. fundar stjórnar Sorpu bs. hinn 9. október 2020.

Fundargerð 435. fundar stjórnar Sorpu bs. hinn 15. október 2020.



13. Fundargerð samstarfsnefndar Skíðasvæða höfuðborgarsvæðisins

Lögð fram til kynningar:

Fundargerð 385. fundar samstarfsnefndar Skíðasvæða höfuðborgarsvæðisins hinn 14. október 2020.

14. Fundargerð stýrihóps Stjórnarráðsins um byggðamál

Lögð fram til kynningar:

Fundargerð 64. fundar stýrihóps Stjórnarráðsins um byggðamál hinn 5. október 2020.

15. Fundargerð stjórnar Samtaka sunnlenskra sveitarfélaga.

Lögð fram til kynningar:

Fundargerð 562. fundar stjórnar Samtaka sunnlenskra sveitarfélaga hinn 2. október 2020.

16. Fundargerð stjórnar Samtaka sveitarfélaga og atvinnuþróunar á Norðurlandi eystra.

Lagðar fram til kynningar:

Fundargerð 14. fundar stjórnar Samtaka sveitarfélaga og atvinnuþróunar á Norðurlandi eystra hinn 30. september 2020.

Fundargerð 15. fundar stjórnar Samtaka sveitarfélaga og atvinnuþróunar á Norðurlandi vestra hinn 14. október 2020.

17. Fundargerðir stjórnar Sambands íslenskra sveitarfélaga.

Lögð fram til kynningar:

Fundargerð 889. fundar stjórnar Sambands íslenskra sveitarfélaga hinn 16. október 2020.

18. Fjölsmiðjan / málsnr. 1501007

Lögð fram til kynningar:

Fundargerð stjórnar Fjölsmiðjunnar 8. október 2020.

19. Önnur mál

Fleira var ekki gert og fundi slitið kl. 14:05.